



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
O DAVANJU SAGLASNOSTI NA
P R A V I L N I K
O IZMJENI PRAVILNIKA
O UNUTRAŠNJOJ ORGANIZACIJI PRAVOBRANILAŠTVA GRADA SARAJEVO

(Prijedlog)

Sarajevo, decembar 2024. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 46. stav 4. Zakona o pravobranilaštvu („Službene novine Kantona Sarajevo“, br.: 33/08-novi Prečišćeni tekst, 7/12 i 44/16) i odredbi člana 31. stav 1. tačka b. Statuta Grada Sarajevo („Službene novine Kantona Sarajevo“, broj 7/23), Gradsko vijeće Grada Sarajevo na 48. sjednici održanoj dana dd.12.2024. godine donosi slijedeću

(PRIJEDLOG)

ODLUKU
o davanju saglasnosti na Pravilnik o izmjeni Pravilnika
o unutrašnjoj organizaciji Pravobranilaštva Grada Sarajevo

Član 1.

Daje se saglasnost na Pravilnik o izmjeni Pravilnika o unutrašnjoj organizaciji Pravobranilaštva Grada Sarajevo broj: 01-08-Gp-98/24 od 09.12.2024. godine.

Član 2.

Ova Odluka stupa na snagu danom donošenja, a bit će objavljena u Službenim novinama Kantona Sarajevo.

PREDSJEDAVAJUĆI GRADSKOG VIJEĆA

Jasmin Ademović

Broj:
Sarajevo, dd.12.2024. godine

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
PRAVOBRANILAŠTVO GRADA SARAJEVO**

**PRAVILNIK
O IZMJENI PRAVILNIKA
O UNUTRAŠNJOJ ORGANIZACIJI PRAVOBRANILAŠTVA GRADA SARAJEVO**

Sarajevo, decembar 2024. godine

Na osnovu odredi člana 46. stav 4. Zakona o pravobranilaštvu („Službene novine Kantona Sarajevo“, br.: 33/08-novi Prečišćeni tekst, 7/12 i 44/16) i Uredbe o načelima za utvrđivanje unutrašnje organizacije kantonalnih, gradskih i općinskih organa uprave i upravnih organizacija („Službene novine Kantona Sarajevo“, br.: 36/06, 8/12 i 39/16), Pravobranilac Grada Sarajevo, uz prethodno pribavljenu saglasnost Gradskog vijeća Grada Sarajevo, donosi

P R A V I L N I K
O IZMJENI PRAVILNIKA
O UNUTRAŠNJOJ ORGANIZACIJI PRAVOBRANILAŠTVA GRADA SARAJEVO

Član 1.

(Izmjena člana 9.)

U Pravilniku o unutrašnjoj organizaciji Pravobranilaštva Grada Sarajevo broj: 01-08-Gp-40/17 od 26.05.2017. godine i Pravilniku o izmjeni Pravilnika o unutrašnjoj organizaciji Pravobranilaštva Grada Sarajevo broj: 01-08-Gp-54/21 od 03.09.2021. godine u Poglavlju III – sistematizacija radnih mjesta u članu 9. stav (10) riječi: „Broj izvršilaca: 2 (dva)“ zamjenjuju se riječima: „Broj izvršilaca: 3 (tri)“.

Član 2.

(Ostale odredbe)

U preostalom dijelu Pravilnik o unutrašnjoj organizaciji Pravobranilaštva Grada Sarajevo broj: 01-08-Gp-40/17 od 26.05.2017. godine i Pravilnik o izmjeni Pravilnika o unutrašnjoj organizaciji Pravobranilaštva Grada Sarajevo broj: 01-08-Gp-54/21 od 03.09.2021. godine ostaju nepromijenjeni.

Član 3.

(Stupanje na snagu)

Ovaj Pravilnik stupa na snagu sa danom donošenja Odluke Gradskog vijeća Grada Sarajevo o davanju saglasnosti na Pravilnik o izmjeni Pravilnika o unutrašnjoj organizaciji Pravobranilaštva Grada Sarajevo.

Sarajevo, 09.12.2024. godine
Broj: **01-08-Gp-98/24**



PRAVOBRANILAC GRADA SARAJEVO

Admir Jusufbegović

Odlukom Gradskog vijeća Grada Sarajevo, broj: _____ od _____ godine, data je saglasnost na Pravilnik o izmjeni Pravilnika o unutrašnjoj organizaciji Pravobranilaštva Grada Sarajevo.

OBRAZLOŽENJE

I – PRAVNI OSNOV

Pravni osnov za donošenje ovog Pravilnika sadržan je u odredbama člana 46. stav 4. Zakona o pravobranilaštvu kojim je propisano da gradski pravobranilac Pravilnikom utvrđuje unutrašnju organizaciju Pravobranilaštva po prethodno pribavljenoj saglasnosti Gradskog vijeća, te Uredbi o načelima za utvrđivanje unutrašnje organizacije kantonalnih, gradskih i općinskih organa uprave i upravnih organizacija kojom se utvrđuju načela za utvrđivanje unutrašnje organizacije kantonalnih ministarstava, kantonalnih uprava, kantonalnih upravnih organizacija i stručnih službi, gradskih i općinskih organa uprave, upravnih organizacija i stručnih službi, sadržaj pravilnika o unutrašnjoj organizaciji, osnove za utvrđivanje organizacionih jedinica i uvjeti za njihovo organizovanje, sistematizacija radnih mjesta, rukovođenje organom i organizacionim jedinicama i druga pitanja od značaja za izradu pravilnika o unutrašnjoj organizaciji.

II – RAZLOZI ZA DONOŠENJE

U proteklim izvještajnim periodima o radu Pravobranilaštva Grada Sarajevo vidljivo je da je došlo do brojčanog povećanja svih vrsta predmeta koji spadaju u nadležnost rada i postupanja Pravobranilaštva.

Pored navedenog, u proteklom periodu došlo je do značajnog povećanja imovine Grada Sarajevo što se prije svega ogleda u sticanju prava vlasništva na objektima Upravne zgrade DPO i objekta Vijećnice.

Iz prethodnog perioda prenose značajna imovinsko-pravna pitanja u pogledu rješavanja kompleksne pravne situacije u pogledu objekta Vidikovac na Trebeviću, kao i rješavanje pravne situacije u pogledu Žičare na način da se izvrši otkup iste od strane njegov vlasnika, te je jedan od Zaključaka Gradskog vijeća Grada Sarajeva da se Pravobranilaštvo aktivno uključi u rješavanje navedenog, a što će u konačnici dovesti do povećanja imovine Grada Sarajevo i za navedene nekretnine.

Pored predmeta iz svoje izvorne nadležnosti Pravobranilaštvo je preuzelo i zastupanja u sudskim prekršajnim postupcima koji se vode pred nadležnim Općinskim sudom u Sarajevu. Iako zastupanje u prekršajnim postupcima ne spada u osnovnu izvornu nadležnost rada Pravobranilaštva Grada Sarajevo, Pravobranilaštvo je ipak preuzelo zastupanje u ovim postupcima obzirom da osoba koja poduzima radnje zastupanja pred sudom u prekršajnim postupcima mora imati položen pravosudni ispit, a koji zaposleni državni službenici i imenovani dužnosnici u Pravobranilaštvu nužno i posjeduju.

Pravobranilaštvo Grada Sarajevo prema trenutno važećem Pravilniku o unutrašnjoj organizaciji Pravobranilaštva Grada Sarajevo, ima ukupno pet (5) predviđenih i popunjenih radnih mjesta. U navedenih broj od pet (5) radnih mjesta uključen je pravobranilac i dva zamjenika, jedan stručni savjetnik i jedan viši stručni referent za administrativno-tehničke poslove. Uslijed malog broja zaposlenik, često pravobranilac i zamjenici pravobranilaca radi poduzimanja radnji iz nadležnosti Pravobranilaštva Grada Sarajevo su primorani i obavljati dio administrativnih poslova.

Usporednom analizom sa drugim Pravobranilaštvima obrazovanim na nivou svih općina u sastavu Grada Sarajevo (Općina Stari Grad Sarajevo, Općina Centar Sarajevo, Općina Novo Sarajevo, Općina Novi Grad Sarajevo) primjetno je da je u okviru njihove sistematizacije radnih mjesta broj izvršilaca radnog mjesta zamjenika pravobranioca najmanje dva, a u većini organizacija tri ili čak i više.

Pravobranilaštvo formirano na nivou Kantona Sarajevo ima ukupno dvadeset tri (23) sistematizovana i popunjena radna mjesta od čega je pravobranilac, sedam (7) zamjenika pravobranioca, 6 državnih službenika u svojstvu stručnih savjetnika i saradnika, te 9 namještenika.

Federalno pravobranilaštvo ima četrdeset (40) popunjenih radnih mjesta, dok Pravobranilaštvo Bosne i Hercegovine uslijed zakonskog ograničenja radi vođenja računa o ravnomjernoj zastupljenosti konstitutivnih naroda Bosne i Hercegovine i obaveznoj rotaciji u jednakim vremenskim intervalima tokom trajanja mandata između pravobranioca i dva zamjenika pravobranioca, imenovanih iz reda konstitutivnih naroda, ima pravobranioca i dva (2) zamjenika, dok nadalje ima zaposlenih 6 (šest) pomoćnika pravobranioca čiji opis poslova je istovjetan opisu poslova pravobranioca i zamjenika pravobranioca, zatim sekretara Pravobranilaštva i državne službenike i namještenike angažovane na poslovima administrativno-tehničke i materijalno finansijske podrške.

Navedenu potrebu za dodatnim kapacitiranjem Pravobranilaštva Grada Sarajevo prepoznalo je Gradsko vijeće Grada Sarajevo, te je na 45. sjednici Gradskog vijeća Grada Sarajevo održanoj dana 19.11.2024. godine donijelo Odluku o izmjeni Odluke o osnivanju Pravobranilaštva Grada Sarajevo br. 01-GV-02-1477/24. Navedena Odluka je objavljena u Službenim novinama Kantona Sarajevo br. 47 od 28.11.2024. godine.

Stoga predmetni Pravilnik, odnosno predložene izmjene Pravilnika o unutrašnjoj organizaciji Pravobranilaštva Grada Sarajevo su formalan i logičan slijed radnji u smislu postupanja u skladu sa navedenom Odlukom Gradskog vijeća Grada Sarajevo.

Navedenim Pravobranilaštvo Grada Sarajevo će se dodatno kapacitirati sa stručnim osobljem, a sve u cilju opsluživanja i ostvarivanja koordinacije rada i saradnje sa dvanaest (12) gradskih i stručnih službi, a što će omogućiti efikasnije izvršavanje radnih zadataka na zaštiti imovine i imovinskih interesa Grada Sarajevo i drugih poslova i nadležnosti Pravobranilaštva Grada Sarajevo.

III – FINANSIJSKA SREDSTVA

U Budžetu Grada Sarajevo konto 611000 - Plaće i naknade troškova zaposlenih planiraju se za svaku budžetsku godinu naknade prema zastupljenim radnim mjestima.